

Ger hêwirîna we were redkirin ji ber sûcekî cezayî yê ku di kontrola paşxaneyê we de derketiye holê, mafê we heye ku hûn kopiyeke kontrola paşxaneyê xwe ya ku wan bi kar aniye, bigirin. Ji xwediyê xanî kopiyeke bixwazin da ku hûn bi temamî bibînin ka çî di qeydên we de hene.

Gelo mafê min ê sûdwegirtinê heye ji bo **xaniyên giştî yên MDHA** an ji **kûpona Beşa 8an**, heke qeydeke min a sûc hebe?

Tenê **du sûc** hene ku we **bi domdarî** ji xaniyên giştî yên MDHA an Beşa 8an **mehrûm** dihêlin:

1. **çêkirina metamfetamînê** di xaniyên subvansekirî de
2. her mehkûmiyeteke ku **heta hetayê bi qeyda sûcdariya cinsî** encam daye

Ger hûn ji bo xaniyên giştî yên MDHA an Beşa 8an hatibin redkirin ji ber rewşeke di qeyda we ya sûcdariyê de cih digire ji bilî van her du sûcan, **hûn dikarin** li gorî şert û mercên xwe yên taybet **itîrazê li biryarê bikin**.

- Nameya redkirina xwe **bi nivîskî** bixwazin - ew ê talîmatên li ser çawanîya daxwazkirina **hevdîtineke nefermî bi îdareya xaniyan** re ji bo hûn karibin rewşa xwe rave bikin, hebin.
- Ger hebe, **delîlekê bînin** ku bide zanîn ku pirsgrîrek çareser bûye - ji bo nimûneyan li beşa bê binêrin.

Lê gelo xaniyên taybet?

Xwediyên xaniyên taybet, ne xwedî heman qaîdeyên wekî yên xaniyên giştî an Beşa 8an in - ew dikarin serlêdana we red bikin ji ber **her sûcekî** di sicîla we de. Dema ku hûn serlêdana xaniyên taybet dikin, **amade bin ku rewşa xwe rave bikin û her delîlekî bi xwe re bînin** ku nîşan dide ku pirsgrîrek çareser bûye. Hin cureyên delîlan dikarin ev bin:



Nameyên referansê ji kardêrê we an kesekî din ê ku piştgiriya we dike



Delîlên ku diyar dikin ku hûn bi **xizmetên piştgiriya yên wekî** bernameyên jinûve-têketinê û dêran re **dixebitin**



Hemû **hûrguliyên** ku baweriya we û guherînan we yên wekî paşvegera dibistanê û xwebexşbûna we yên ku we ji wê demê ve kirî rave dikin

Hin sûc dikarin ji sicîla we ya edlî we werin rakirin.

Hûn dikarin serî lê bidin ku hin sûc ji sicîla we ya edlî werin **derxistin** an jêbirin. Di nav wan de sûcên ku **nehatine mehkûmkirin**, dozên ku qet nehatine **teqîbatkirin** û mehkûmiyeten ku hatine **betalkirin** jî cih digirin.

Herin www.las.org û pêlî **Reentry Screening Tool** bikin da ku hûn bizanin ka hûn guncav in ji bo jêbirinê.



(833) 837-HOME



KURDISH KURMANJI - Reentry

(615) 701-7957



(615) 988-6460

